



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-38-38844-1/19
Sarajevo, 27. 11. 2019. godine

SKUPŠTINA KANTONA SARAJEVO
PREDSJEDAVALAČI SKUPŠTINE KANTONA SARAJEVO
Elmedin Konaković

- OVDJE-

Zastupnik Mirza Čelik na 14. Radnoj sjednici Skupštine Kantona Sarajevo, održanoj dana 30.10.2019. godine, u okviru tačke Dnevnog reda "poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je zastupničko pitanje:

"Koliko finansijskih sredstava se planira za plaćanje rada stručnih timova (kurikulumi)? Dokle se stiglo sa navedenim poslom? Otkud novi javni poziv za apliciranje u navedene stručne timove? Postoje li predviđeni rokovi za završetak izrade predmetnih kurikuluma? Da li će gradivo iz više srodnih predmeta biti objedinjeno u jedan kurikulum: napr. Biologij, Fizika, Hemija...jedan kurikulum za prirodnu grupu predmeta, Historija, Geografija, Građansko obrazovanje, Društvo, kultura, religija. jedan kurikulum za društvenu grupu predmeta?"

Ministarstvo za obrazovanje, nauku i mlade Kantona Sarajevo daje sljedeći

ODGOVOR

Poštovani zastupniče Čelik Mirza, u vezi sa Vašim zastupničkim pitanjima dostavljamo sljedeće odgovore:

1. Za plaćanje rada stručnih timova predviđeno je u 2019. godini ukupno - 30.500 KM (neto iznos) u 2020. godini, ukupno do završetka predmetnih kurikuluma – 58.880 KM (neto iznos).

2. Trenutno, grupe su u fazi pisanja ishoda učenja za svaki predmet u godini poučavanja svakog od predmeta gdje su timovi formirani i kompletirani.

3. Javni poziv za članice i članove predmetnog kurikuluma objavljen je jer su ugovori predhodnim grupama istekli u decembru 2018. godine, a povlačenjem nastavnica/nastavnika iz nastave smanjio se ranije predviđeni broj članica/članova po grupama.

Po starom pozivu iz 2018. godine predviđeno je 145 članova u predmetnim grupama; sada 98 i 14 koji su povučeni (112).

4. Definisani su rokovi po fazama: faza pisanja opisa i svrhe predmeta, navođenje općih ciljeva izučavanja predmeta, definiranje oblasti i ishodi učenja u godini poučavanja predmeta



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1



do kraja 2019. godine; kompletan predmetni kurikulum za svaki predmet bit će završen u junu 2020. godine.

5. U okviru kurikuluma ne govorimo o gradivu/sadržaju kako to podrazumijeva postojeći NPP. Preko zajedničkih oblasti iz pojedinih srodnih predmeta (iz okvira odojno-obrazovnih područja kako ih definira Zajednička jezgra iz 2018.) uspostaviti će se jasnije veze kao i preko međupredmetnih tema. Generalno, predmetni kurikulum podrazumijeva dva nivo povezanosti: vertikalni - u potpunom preduniverzitetskom obrazovanju, pravi se jedan predmetni kurikulum, osmišljen i jasno strukturiran da se razvijaju svi postavljeni ciljevi; horizontalni – da u okviru jedne godine učenja i poučavanja predmetni kurikulumi rade sinhronizirano na razvijanju kompetencija i vrijednosti kod učenika.

Bilo bi korisno da se redefinišu postojeći predmeti i organiziraju na drugačiji način; no, u ovoj fazi, uzimajući u obzir postojeće stanje u obrazovanju u Kantonu Sarajevo te Bosni i Hercegovini, općenito – to nije preporučljivo.

Promjena paradigme obrazovanja, odmicanje od poučavanja i učenja određenog sadržaja kao krajnjeg cilja ka ostvarenju postavljenih ishoda učenja glavni je cilj prvog koraka u reformi obrazovanja u Kantonu Sarajevo koja će se odvijati preko dva paralelna procesa – kreiranje predmetnih kurikuluma zasnovanih na ishodima učenja te edukacija nastavnika i eksperimentalna primjena u školama novih programa, te postepeno uvođenje u obrazovne ustanove.

S poštovanjem,

Dostaviti:

- naslovu,
- a / a.



MINISTARICA

Zineta Bogunić

Pripremila: Fahira K.



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

